



Pinerlutsaaliuinermut Siunnersuisoqatigiit
Det Grønlandske Kriminalpræventive Råd

PiSiU

Pinerlutsaaliuinermut Siunnersuisoqatigiit
Det Grønlandske Kriminalpræventive Råd

Ukiumoortumik nalunaarut 2020





Imarisai

Imarisai	2
Aallaqqasiut	3
PiSiup siunertaa	4
PiSiup 2016-2020-mut pilersaarusiaa – Siusissukkut iliuuseqarneq.....	4
<i>Nakuuserneq aammalu kinguaassiuutitigut pinerlunnerit</i>	<i>5</i>
<i>Aanngajaarniutinik atornerluineq</i>	<i>5</i>
PiSiup 2020-mi	6
PiSiup 2021-mi	7
PiSiup allattoqarfia	8



Aallaqqasiut


Inatsisinik atuutitsinermut Ministerimut aammalu Naalakkersuisunut.

PiSiup suleriusissaa pillugu nalunaarut nr. 1178 9. december 2008-meersumi § 7 naapertorlugu PiSiu ukiut tamaasa Inatsisinik atuutitsinermut Ministerimut aammalu Namminersorlutik Oqartussanut nalunaarusiortassaaq, Siunnersuisoqatigiit ukiumi qaangiuttumi sulisimanerat pillugu.

PiSiu naalisarlugu isumaqarpoq, Pinerlutsaaliuinermut Siunnersuisoqatigiit.

Uani ukiumoortumik nalunaarusiami 2020-mi PiSiup sularisimasai nassuaatigineqassapput. Suliat PiSiup pilersaarusaani 2016-2020-mut atuuttuupput, aammalu 2021-2024-mut pilersaarusiap nutaap sularineqarnera 2020-mi aallartissimalluni.

2020-mut nalunaarusiaq matumuuna tunniunneqarpoq.


PiSiu sinnerlugu
Bjørn Tegner Bay
PiSiumi siulltaaseq



PiSiup siunertaa

PiSiup 2009-mi pilersinneqarnermi kingormatigut Nunatsinni pinerlutsaaliuinermik suliaqarsimavoq isumannaallisaanermi suliniutit, paasitsiniaanerit aammalu misilitakkanik paarlaasseeqatigiinnikkut kiisalu sumiiffinni SSSPKmik ataatsimiititalianik (maanna pinaveersaartitsinermut ataatsimiititaliat) siunnersuinikkut.

Pinaveersaartitsinermi sulineq sammivilerniarlugu PiSiup 2016-2020-mut takorluukkat anguniakkallu uku aalajangersarnikuuai:

- **Takorluugaq:** Pinerluttarnerup appartinnissaa siunertaralugu pinaveersaartitsilluni sulinissamut nukittorsaallunilu isummersitsineq
- **Anguniagaq:** Paasisitsiniaasarnikkut aammalu misilitakkanik paarlaasseeqatigiinnikkut kiisalu sumiiffinni SSSPK-mik ataatsimiititalianik (maanna pinaveersaartitsinermut ataatsimiititaliat) siunnersuinikkut pinerlunnernik pinaveersaartitsineq

PiSiup 2016-2020-mut pilersaarusiaa takorluukkamut anguniakkamullu pitsaanerpaamik taperser-suinissamut suliaavoq. Pilersaarusiami pingarnerpaat nassuaatigineqassapput, aammalu 2020-mi pisimasut pilersaarusiap naleraanut attuumassuteqartut nassuaatigineqassallutik.

PiSiup 2016-2020-mut pilersaarusiaa – Siusissukkut iliuuseqarneq

PiSiup 2016-2020-mut pilersaarusiaa naavoq, nutaamillu pilersaarusiornermi suliaq aallartinneqarpoq. Pilersaarusiap nutaap aallartisarnerani, 2020-llu ingerlanerani pilersaarusiami sinaakkutarisat iluanni sulineq ingerlasimavoq.

PiSiup 2016-2020-mut pilersaarusiaata "Siusissukkut iliuuseqarneq" qulequtaraa. Pilersaarusiaq taanna atorlugu PiSiup Nunatsinni meeqqat inuuusuttuaqqallu ukkatarai, taakkummata nunatta siunissai. Meeqqat ukkatarinerisa saniatigut PiSiup pinaveersaartitsinermi angajoqqaanut sammisumik sulivoq, meeqqat toqqissisimasumik peroriartornissaannut annertoorujussuarmik akisussaaffeqartuummata.

Pilersaarusiami naleqqat sisamaasut ukuusimapput:

- Nakuuserneq aammalu kinguaassiuutitigut pinerlunnerit
- Iluanaarniutigalugu pinerlunneq



- Aanngajaarniutinik atornerluineq
- Qarasaasiatigut pinerlunneq

Pilersaarusiap iluani naleqqat najoqqutaralugit PiSiup 2020-mi assigiinngitsunik sammisaqarlunilu suliniuteqarpoq naleqqat malillugit sulinermi ingerlanneqarsimasunik. Sammisat suliniutillu taakku ataani nassuaatigineqarput, 2020-mili Iluanaarniutigalugu pinerlunnermut imaluunniit Qarasaasiatigut pinerlunnermut tunngasunik immikkut ittunik suliniuteqartoqarsimanngilaq.

Nakuuserneq aammalu kinguaassiuutitigut pinerlunnerit

Peqatigiiffik Kalaallit Meerartaat suleqatigalugu PiSiup 2020-mi suliniut TASSA! aqqutigalugu nakuusertarneq ukkatarivaa – nakuusernernik pinaveersaartitsineq. Nakuusertarneq pinaveersaartinniarlugu annertuumik pisariaqartitsisoqarneranik naliliisoqarpoq, 2020-p ingerlanerani inuusuttut pinerluttarneranni nakuusernernik nalunaarutiginninnerit amerlisimancerat paasineqarmat. Taamaattumik PiSiup aammalu Peqatigiiffik Kalaallit Meerartaat akunnerminni pisortatigoortumik suleqati-giinnermut atsioqatigiipput. Suliniut ilaatigut ilinniartitsinermi atortussanut tunngavoq, meeqqat atuarfiini atuartut angajulliit suliniutigineqarlutik.

PiSiup Paarisa oqaloqatigiuarpaan nuna tamakkerlugu pilersaarusiaq "Killiliisa" pillugu, taannalu kinguaassiuutitigut atornerluisarnerup pinaveersaartinneqarneranut annertunerusumik ukkatarinnernik malitseqarpoq. PiSiup pilersaarusiaa aammalu Killiliisamik suleqateqarneq qanittunik atassuteqarput, taamaammallu sammisaq pillugu suleqatigiinneq pissusissamisoorpoq. Suleqatigiinneq ilaatigut kinguaassiuutitigut atornerluisarnerik nalunaarutiginnittarnerit pillugit Kalaallit Nunaata Politiivisa kisitsisaannik paarlaasseqatigiinnermik imaqarpoq.

Aanngajaarniutinik atornerluineq

PiSiup 2020-mi Imigassaq ikiaroornartullu pillugit Siunnersuisoqatigiit suleqatiginerini imigassap ilaatigut pinerluttarnermut sunniuteqartarneranut unammillernartut oqallisigilersippaat. Nunatsinni pinerlunnerpassuit ilaanni imigassaq peqqutaasarpoq, taamaalillunilu Nunatsinni pinerluttarnermi imigassap inissisimanera pillugu ilisimasanik PiSiup tapersiinikuuvoq.

Danmarkimi Det Kriminalpræventive Rådemik suleqateqarneq

PiSiup Danmarkimi Det Kriminalpræventive Rådemik suleqateqarneq suli qaninnerulersinniarlugu sulissuteqarpoq. Suliat arlalippassuupput pinerlunnernik pinaveersaartitsinermi suliniutaasut, Danmarkimi Det Kriminalpræventive Rådemik suliarisartagai, pillugit ilisimasanik annertuunik PiSiup iluaqtigisinnaasai. Periarfissaq taanna atorneqanngilaq, taannalu periarfissaavvoq ilisimasanik



atortunillu, kalaallinut naleqqussarneqarsinnaasunik, paarlasseqatigiinnissamut qaninnerusumik suleqatigiinnissamut. Piffissami aggersumi suliaq taanna ingerlaqqissaaq.

2020-p ingerlanerani PiSiup 2021-2024-mut pilersaarusiami ineriartortinnissaanut Danmarkimi Det Kriminalpræventive Råde ilanngunnikuuaa, tassanilu Det Kriminalpræventive Rådep misissueqqisaarnermi immikkoortoqarfia pilersaarusrornermi aallarniutigalugu sulinermi PiSiup allattoqarfiata attavigisartagaatut pingaarnertut inissisimavoq. Ilisimasat pitsaanerpaat anguniarlugit taamaaliortoqarpoq, taamaalilluni PiSiup Nunatsinni pinerlunnermik sapinngisamik pitsaanerpaamik pinaveersaartitsinissaanut ingerlatsisinnaalissammatt – aamma ukiuni aggersuni.

PiSiup 2020-mi

Ilaasortat nutaat

PiSiup 2020-mi ilaasortaasa ilarpaalui unipput. Taamaammat PiSiup 2020-mi ilaasortaasa ilaat taarsernikuupput, siunnersuisoqatigiit nutaat aallartillutik, taakkulu pilersaarusiqa nutaassaq suliarylugu aallartisarpaat. 2020-mi ilaasortat nutaat ilanngupput, taakku tamarmik immikkut piumassutsimik peqatigiiffilerisunit, Peqqissutsimut Naalakkersuisoqarfimmit kiisalu Pinerluttunik Isumaginnittoqarfimmit aallartitallutik. Saniatigut ilaasortat, inuussutissarsiuteqartut kattuffiata (SIK) aammalu sulisitsisut ilaasortaanertik sivitsorpaat.

2021-2024-mut pilersaarusiap nutaap ineriartortinna

2020-p ingerlanerani PiSiup suliaasa annertuut ilagaat ukiunut 2021-2024-mut pilersaarusiassap nutaap ineriartortinna. PiSiup inuiaqatigiinni inissisimanini nukittorsarniarlugu pilersaarusiqa aqqutigalugu sulinini ingerlateqqissavaa oqariartuutinik, ilisimasanik aammalu sammisanik nalinginnaasunik, pinaveersaartitsilluni suliaqarnermi pingaarnerpaatut PiSiup taasaanik, siammarterinikkut. PiSiup nalerassanik sisamanik nutaanik pingaarnertut aalajangiivoq. Siuliini pilersaarusrornermi nalerarisat isumassarsiorfigalugit pilersinneqarput, saniatigulli aamma piffissami matumani iliuuse-qarfigisassat ukkatarineqarnissaat eqqumaffigineqarlutik. Naleqqat nutaat uku imarissavaat:

- Inuuusuttut pinerluttarnerat
- Kinguaassiuutitigut pinerliisarnerit
- Qarasaasiatigut pissusilersuutit
- Paasissutissiineq aammalu suleqatigisat

PiSiup allattoqarfia pilersaarusiqa nutaaq pillugu oqaaseqartartuusimavoq, pilersaarusiqa taanna 2020-p ingerlanerani siunnersuisoqatigiit ataatsimiittarneranni aammalu ilaasortat allakkatigut paa-



sissutisseeqatigiittarmerisigut aammalu oqaaseqartarmerisigut ilisimasanik paarlaasseqatigiinnikkut ineriertortinnejarsimasoq. Siuliani taaneqareersutut Danmarkimi Det Kriminalpræventive Råd pilersarusiamut attaveqarfittut atorneqarsimavoq.

Aammattaaq pilersarusiami PiSiu sulinerani anguniagaq takorluugarlu nutaat saqqummiunneqarput. PiSiu anguniagaraa inuiaqatigiinnik aammalu pinaveersaartitsinermi suliaqartut paasissutissiivignerisigut toqqammaveqatigiinnermik pilersitsinissaq. Anguniagaq takorluugarlu nutaat aqqutigalugit siunnerfik ersarissoq pitsasorlu aammalu inuuniarnermut pingaaruteqarluinnartoq, ullutsinnut naleqquttut aammalu PiSiu inuiatigiit akornanni suliaanik inisisimamaneranillu ersersitsisut, pilersinniarpai. Anguniagaq takorluugarlu nutaat ukuupput:

Anguniagaq

Inuiaqatigiinnik aammalu pinaveersaartitsinermi suliaqartut paasissutissiivignerisigut toqqammaveqatigiinnermik pilersitsinissaq.

Takorluugaq

Inuiaqatigiit peqqissunik inuuusuttortallit pinerlunnermut naaggaartunik aammalu inuiaqatigiinni pinaveersaartitsinermi sulinerup siuarsarnissaanut suleqataasut.

PiSiu 2021-mi

PiSiu ukiuni tulliuttuni sisamani nalerarisat ilaat annermik ukkatariniarpaa. Silineq annermik suleqatissanik pingaarutilinnik isumaqatigiissuteqarnissaq, tamakkulu aqqutigalugit ilaatigut paasissutissiisarnertigut saqqummiisarnertigullu pinaveersaartitsilluni suliniutit inuiaqatigiinnut paasissutissiisutigineqassallutik. Taamaamat 2021-p ingerlanerani PiSiu sulinerata oqariartuutaatalu ilisimaneqernerisa annertusarnissaat pingartinneqarpoq, taamaalilluni pinaveersaartitsilluni suliat sukumiinerusut suliarineqarsinnaassammata.



PiSiup allattoqarfia

PiSiup allattoqarfia ingerlatsinermi Kalaallit Nunaata Politiivini inissisimavoq. Allattoqarfik Pina-veersaartitsinermut aammalu Misissueqqissaarnermut immikkoortoqarfimmipoq, sulisulli arlallit suliassanik agguataarillutik suliaqartarput.